

208 dreginn frá vaxtatekjum sjóðsins, og skal hreppsnefnd gæta þess, að slíkum reikningum sé í hóf stillt.

Reikningar sjóðsins skulu sendir endurskoðaðir til sýslunefndar ásamt sveitar-sjóðsreikningi til úrskurðar og samþykktar.

11. gr.

Skipulagsskrá þessari má breyta, ef þörf þykir, enda séu breytingarnar samþykktar með $\frac{2}{3}$ hlutum atkvæða á tveimur löglega boðuðum sveitarfundum og samþykktar af sýslunefnd. Höfuðstól sjóðsins má þó aldrei skerða.

12. gr.

Leita skal staðfestingar á þessari skipulagsskrá.

209

17. des.

SAMÞYKKT

um girðingu milli heimalanda og aðliggjandi afrétta og útlendna á svæðinu frá Norðlingafljóti að Norðurá.

1. gr.

Girðing sú, er samþykkt þessi nær til og við gildistöku hennar verður gerð að samgirðingu, liggur sem hér segir:

Frá Norðlingafljóti, neðan við Kleppa, bak við heimalönd Fljótstungu og Þorvaldsstaða í Hólmavatn. Úr Hólmavatni um Gilsbakkaland, bak við heimalönd Bjarnastaða, Kirkjubóls, Hvamms, Haukagils, Sámsstaða, Háafells, Þorgautsstaða, um Síðumúlaland að Örnólfsdalsá við Myrkhyl. Frá Örnólfsdalsá um Örnólfsdals-sand og Kvíafjall að Litlu-Þverá. Frá Litlu-Þverá að Norðurá, inn frá Króki í Norðurárdal.

2. gr.

Girðing sú, sem tilgreind er í 1. gr., svo og girðingarefni það, er til kann að vera henni viðkomandi, skal teljast sameign upprekstrarfélaga Þverárréttar og upprekstrarfélags Arnarvatnsheiðar og þeirra, er hafa verið eigendur hennar. Verði samþykktin síðan felld úr gildi, fellur eignarétturinn til fyrri eigenda hennar. Girðingin frá Norðlingafljóti að hliðinu vestan við Mjóavatn verði virt og tekin upp í kostnað við endurbyggingu girðingarinnar, sem framlag ábúanda, sem að girðingunni standa og verið hafa eigendur hennar, en verði samþykkt þessi síðar numin úr gildi, fellur girðingin til fyrri eigenda.

3. gr.

Hreppsnefndir í upprekstrarfélagi Arnarvatnsheiðar og upprekstrarfélagi Þverárréttar hafa yfirumsjón með mönnum þeim frá hverju upprekstrarfélagi, er hafi á hendi allar framkvæmdir vegna endurbyggingarinnar. Annast þeir efniskaup öll og reikningshald og hlutast til um, að þeir aðilar, er að samþykktinni standa, inni af hendi skyldur sínar. Þeir skulu árlega gera forráðamönnum upprekstranna grein fyrir framkvæmdum sínum.

Víti þeir, að samþykktin sé brotin eða þau lög, er hún byggist á, skulu þeir gera viðkomandi hreppsnefndum aðvart, en þær skulu gera nauðsynlegar ráðstafanir til þess, að fullar bætur séu á ráðnar.

Umsjónarmenn velja sér verkstjóra, svo marga sem þurfa þykir. Þeir skulu kveðja menn til vinnu við girðinguna, stjórna þar verkum og hafa á hendi vörzlu þess efnis, er til kann að vera á hverjum tíma, og vera umsjónarmönnum til að-

stoðar við annað það, er varðar viðhald og endurbætur girðingarinnar, svo að hún sé jafnan, þar með talinn umbúnaður hliða, í því ástandi, er megi við una.

209
17. des.

4. gr.

Þegar eftir að samþykkt þessi öðlast gildi eða svo fljótt sem unnt er, skal girðingin endurreist og gerðar á henni þær breytingar, sem nauðsynlegar teljast til þess, að girðingin komi að fullum notum.

Kostnaður við endurbyggingu og viðhald skiptist þannig:

- a. Þóknun til umsjónarmanna greiða upprekstrarfélögin, hvort sínum manni.
- b. Kostnaður við endurbyggingu girðingarinnar greiðist þannig: Girðinguna frá Norðlingafljóti að hliðinu vestan við Mjóavatn greiðir upprekstrarfélag Arnarvatnsheiðar að hálfu leyti að efni og vinnu, svo og hálfu viðhald. Hinn helminginn kosta að Hólmavatni ábúendur Fljótstungu, Þorvaldsstaða, Hallkelsstaða og Kolstaða og frá Hólmavatni að Mjóavatnshliði ábúandi Gilsbakka. Girðingin frá Mjóavatnshliði, eins og hún er nánar tilgreind síðar í þessari samþykkt, endurreisist að efni og vinnu að öllu leyti af upprekstrarfélagi Þverárréttar.

Í girðinguna frá hliði, vestan við Mjóavatn að Norðurá, greiðir upprekstrarfélag Þverárréttar allt efni og flutning á því svo langt sem bilfært er. Vinnu og flutning á efni af bílvegi á girðingarstað annast á tilteknum lendingarhlutum girðingarinnar ábúendur viðkomandi jarða. Skal kostnaðinum jafnað á eftir landverði, nema öðruvísi sé mælt fyrir í þessari samþykkt.

Girðingunni skal skipt niður, svo sem hér segir:

1. Girðingarhlutann frá Mjóavatnshliði að Miðsíðugirðingu annast ábúandi Gilsbakka.
2. Miðsíðugirðinguna (frá Gilsbakkagirðingu) að Niðursíðugirðingu annast ábúendur Bjarnastaða, Kirkjubóls, Hvamms og Haukagils.
3. Niðursíðugirðinguna (frá Miðsíðugirðingu að Örnólfsdalsá) annast ábúendur Sámstaða, Háafells, Þorgautsstaða, Síðumúla, Ásbjarnarstaða, Sleggjulækjar og Selhaga.
4. Frá Örnólfsdalsá að Litlu-Þverá annast ábúendur Örnólfsdals, Hamra og Kvía girðinguna.
5. Girðingarhlutann frá Litlu-Þverá að hreppamörkum Þverárhliðar og Norðurárdals annast ábúendur Hermundarstaða.
6. Girðinguna frá fyrrnefndum hreppamörkum að Norðurá annast ábúandi Króks. Vilji hlutaðeigandi ábúendur jafna kostnaðinum á milli sín á annan hátt en hér er gert ráð fyrir, er þeim það heimilt, enda séu breytingarnar samþykktar af þeim, sem yfirumsjón hafa með girðingunni.

Girði einhver framangreindra ábúenda land sitt og nái land jarðarinnar ekki að samgirðingunni, telst ábúandi þessarar jarðar ekki lengur skyldur til að taka þátt í viðhaldi samgirðingarinnar, eftir ákvæðum þessarar greinar, 1.—6. lið.

5. gr.

Þegar girðingin er endurreist, skulu umsjónarmenn færa girðinguna, þar sem þörf krefur vegna landslags, til að fá sem bezt girðingarstæði, enda vinni þeir að því í samráði við landeigendur, en upprekstrarfélögin bera allan kostnað af slíku, nema öðruvísi semjist milli umsjónarmanns og landeiganda.

Vilji þeir landeigendur, sem land eiga utan girðingar, eins og hún verður að lokinni endurreisn samkvæmt þessari samþykkt, færa út girðinguna, skal þeim það heimilt, enda beri þeir allan kostnað af færslu hennar og aukningu og skili hinum nýja girðingarhluta í fullgildu ástandi að áliti þeirra, er umsjón hafa með girðingunni. Þeir aðilar, sem að samþykkt þessari standa, skulu jafnan halda við þeirri girðingu, er næst liggur afréttarlöndum.

- 209 6. gr.
17. des. Upprekstrarfélögin jafna kostnaði sínum niður eftir landverði, og fer um innheimtu þeirra gjalda sem önnur fjallskilagjöld.

7. gr.

Brot gegn samþykkt þessari skal fara með sem almenn lögreglumál.

8. gr.

Samþykkt þessi öðlast gildi, er hún hefur fengið samþykki sýslunefndar Mýrasýslu og verið staðfest af Stjórnarráði Íslands.

Samþykkt þessi staðfestist hér með samkvæmt girðingalögum, nr. 66 22. nóv. 1913, til að öðlast þegar gildi og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 17. desember 1945.

Pétur Magnússon.

Páll Palmason.

- 210 Staðfesting forsetans á skipulagsskrá fyrir „Afmælistjóð Jónasar læknis
21. des. Kristjánssonar“, útgefin á venjulegan hátt að mandatum af dómsmálaráðherra 21. desember 1945.

Skipulagsskráin er þannig:

SKIPULAGSSKRÁ

fyrir Afmælistjóð Jónasar læknis Kristjánssonar.

1. gr.

Sjóðurinn heitir Afmælistjóður Jónasar læknis Kristjánssonar og er eign Náttúrulækningafélags Íslands (NLFÍ).

2. gr.

Sjóðurinn er stofnaður með 15000 — fimmtán þúsund — krónum, sem stjórn NLFÍ hafði safnað meðal félagsmanna sinna og fært Jónasi Kristjánssyni að gjöf á 75 ára afmæli hans 20. sept. 1945. Jónas Kristjánsson afhenti félaginu féð til umráða með þeirri ósk, að með því yrði stofnaður sjóður í því augnamiði, sem segir í næstu grein. Síðan hafa sjóðnum borizt fleiri gjafir og er nú 16320 — sextán þúsund þrjú hundruð og tuttugu — krónur.

3. gr.

Tilgangur sjóðsins er að styrkja lækna eða læknaefni, sem vilja kynna sér náttúrulækningar erlendis.

4. gr.

Stjórn sjóðsins skipa 5 menn: Jónas Kristjánsson læknir, er sjálfkjörinn formaður sjóðsins, 2 eru tilnefndir af stjórn NLFÍ og 2 af stjórn Heilsuhælistjóðs NLFÍ. Eftir fráfall Jónasar Kristjánssonar, eða ef hann af öðrum ástæðum hverfur úr stjórn sjóðsins, skal stjórn NLFÍ skipa formann.

Formaður velur sjálfur sinn varamann, en stjórnir NLFÍ og Heilsuhælistjóðs NLFÍ tilnefna sinn varamanninn hvor.